





XXV. Dices. Restitutio est actus justitiae; sed potest ex justitia restitui domino id, quod suum est, puta, si servus auferat. Ipse tamen restituit domino; ergo quavis creatura nil potest Deo, quod non sit Dei; adhuc ex justitia potest illi dare.

Respondet, dist. min. Id, quod suum est, quatenus fuit ab ejus dominio subtrahendum, conc. min. Ut patet in casu servituti, qui seipsum subtrahit, ne possit uti opera illius. Aliiter, nego min. & confeg. Quia Deo neque jus utendi creatura pro libito, neque usus actualis a nulla creatura subtrahi potest.

XXVI. Replicabis. Homo dum peccat subtrahit a Deo supremum jus, quod habet ratione ultimi finis: cum vero convertitur ad Deum restituit Deo rationem ultimi finis: ergo hoc facit ex justitia sicut servus dum se restituit domino, a quo auferatur.

Respondet, omisso antecedente pro prima parte (non enim peccator subtrahit a Deo jus ultimi finis effective, sed affective, & insuper Deo hoc permittente) distinguo secundam partem. Restituit &c. ex propriis: nego ant. ex sibi donatis, & sub dominio Dei existentibus. conc. antec. Actus enim, quo quis ad Deum convertitur, est donum Dei: & ideo nequit rigorosam justitiam fundare.

Nec dices. Conversio est homini libera; ergo est sub pleno, & absoluto dominio ejus. — Nam respondet, esse quidem sub dominio hominis, quatenus potest non ponere, vel non ponere; non vero quatenus potest non ponere, sed subtrahere. Quare homo habet quidem, ex quo liber est, proprium jus, & dominium sui actus, non tamen independentens, sed subordinatum Deo.

DUBIUM II.

An in Deo detur justitia distributiva erga homines?

S. I.

Resolvitur Dubium.

Dico. In Deo datur vera justitia distributiva erga homines. Est expressa mens S. Thom. 1. 2. q. 21. art. 1. Ubi postquam justitiam dividit in commutativam, & distributivam; & commutativam a Deo relegavit, de distributiva sic prosequitur: *Alia, quae consistit in distribuendo, & dicitur distributiva justitia, secundum quod aliquis gubernatur, vel dispensatur dat unicuique secundum suam dignitatem. Sicut igitur ordo congruus familiae, vel consensionis multitudinis gubernata demonstrat hujusmodi justitiam in gubernante: ita ordo naturae, qui apparet, tam in rebus naturalibus, quam in rebus voluntariis demonstrat Dei justitiam. Unde dicit Dionysius, de Divin. Nomin. Operet videre in hoc verum Deum esse justitiam: quae omnibus tribuit propria, secundum unicuique naturam existentem dignitatem; & unicuique naturam in propria salutar ordine, & virtute.* Quibus S. Thom. veram justitiam distributivam in Deo asserere, sic evincit. Nam in eo sensu asserit Deo justitiam commutativam a Deo rejicit, ut patet ex ratione, quam ibi adducit; ergo dum Deo asserit justitiam distributivam, ei asserit veram, & stricte talem.

Hoc magis demonstratur, exponendo discrimen inter debitum justitiae vere commutativae, & distributivae. Quod illud oritur ex actione creditoris in debitorem: nam ad commutationem requiritur, ut detur alteri, quia dedit, vel sub pacto, quod det, vel quia daturus est. Et ideo justum commutativum, ut docet S. Thom. 2. 2. q. 61. art. 4. idem est, ac *contrapassum*; in quantum in commutatione datur actio, & passio in alterum. At debitum justitiae distributivae, licet sit ad alterum, prout requiritur ad justitiam stricte dictam; hoc tamen requiritur, quod sit ab altero, id est quod oriatur ex actione alterius qui dedit, aut daturus est: sed oritur potest ex recta voluntate, ac dispositione ejus, qui tale debitum implet. Ut patet in Communitate acceptante aliquos in sui commercium, & consocium: ex hac enim libera, & voluntaria acceptatione oritur in Communitate debitum, & in acceptatis jus, ut secundum eorum dignitatem fiat eis distributio bonorum communium, quavis nil egerint, aut acturi sint erga Communitatem.

Sic ergo Deus, antequam creaturas creando illas assumeret ad sui commercium, & quasi societatem, nihil illis debebat: & ideo prima rerum creatio debet omni debito justitiae fuit. At ex suppositione, quod creaturas ad sui commercium, & societatem, dando eis principium sui esse, assumeret, & constitueret se eorum caput, & gubernatorem, volueritque hoc Universum conditum conservare; ex hac voluntate ortum est in Deo debitum, tum respectu Universi, ut ei partes congruas, id est, elementa, dispensaret; tum respectu partium ejusdem, ut una alteri provideret, ut datur alimentum animalibus, & quod omnia secundum suam dignitatem perficerentur suis accidentibus, & proprietatibus: ut patet exemplo supra allato Communitatis ad sui consocium aliquos acceptantis.

Quia vero etiam ad majorem dignificationem partium conducit, quod sint ornatae meritis, & quod premia merentibus proponantur: inde est, quod ad sapientiam Dei gubernantis pertinet, eas accendere ad meritum, eisque, meritis sic exornatis, premia promissa legere. Licet autem in humanis retributio meritorum spectet ad justitiam commutativam; quia qui merita retribuit, dat, quia prius accepit: at tamen loquendo de Deo, ait D. Thom. in 2. dist. 27. quest. 1. art. 3. ad 4. *In redditione praemii ad merita magis servatur forma distributiva,*

rationis, cum ipse unicuique opera sua reddat; quam commutationis, cum Deus a nobis nihil accipiat. Et ad 4. Deus (inquit) non efficitur debitor nobis, nisi forte ex promissa, quia ipse bona operantibus bona retribuit. Ex ideo non est inconveniens, si ab ipso quis mereri possit, ex quo aliquo modo debitor esse. Vel dicendum, quod in justitia commutativa ille, apud quem quis meretur, efficitur debitor, quod meretur; sed in illis qui operationes suas locant in servitium alterum. Sed in justitia distributiva non requiritur ratio debiti ex parte ejus, qui distribuit; potest enim ex liberalitate aliquis distribuere: in quorum tamen distributione justitia existit, secundum quod dicitur: *proportio bonorum gradus exigit, proportionabiliter tribuit.* Et hoc modo Deo retribuit nobis, operibus justitia distributiva; quia nobis operibus nec justitiam, nec juriari potest: quod ad veram justitiam commutativam acquiritur; ut docet idem S. D. ibidem ad 1. Recolantur quoque distinas Tom. 1. in 1. 2. tract. de Merito, quest. 2. art. 3. His prenotatis.

III. Probo primo Assertionem sic. Ubi datur congrua distributio unicuique, secundum suam dignitatem, ibi datur justitia distributiva stricte talis; ordo enim congruus familiae arguit justitiam distributivam in gubernante illam: sed in Deo datur congrua distributio, quae dispensat, tum toti Universo, tum partibus ejus, tum in naturalibus, tum in voluntariis; et, quae illis congruat, secundum suam dignitatem: ergo &c. Hac est ratio S. Thom. ut supra.

IV. Secundo probo, Si congrua distributio, quae Deus dispensat unicuique, secundum suam dignitatem, non offendet in eo justitiam distributivam rigorosam; hoc est, ob aliquas imperfectiones, quae justitiam distributivam vere talis facerent: sed has, esse secum trahat, ut in creaturis particulariter posita, eas tamen non includat, secundum rationem communem, prout ponitur in Deo; ergo &c. Min. docet S. Thom. in 1. Contra Gen. cap. 93. Ubi postquam dixit, Deo non competere justitiam commutativam, bene tamen distributivam; quia omnibus secundum suam dignitatem distribuit, secundum illud, *Mortui 25. dedit unicuique secundum propriam virtutem*: dicit, quod actiones, circa quas virtutes sunt, considerari possunt, secundum quod ad res humanas contrahuntur: & secundum hunc modum Deo convenire non possunt. Et possunt tamen prout in sua communitate accipiuntur: & sic *possunt etiam divinis rebus apparere. Sicut enim homo verum humanitatis, ut peccata, vel honores distribuitur est: ita & Deus omnium bonitatem unicuique.* Unde concludit, quod divinae virtutes nobiscum exemplares sunt: *Nam quae sunt contraria, & particularia, similitudines quaedam adfinitatem certam habent, sicut lucina candela se habet ad lucernam Solis. Alia vero virtutes, quae proprie Deo non conveniunt, non habent exemplar in divina natura, sed solum in divina sapientia.* Sic ergo justitia distributiva habet exemplar in divina natura, formaliter absolute sumpta, & secundum rationem communem in Deo est. Alioquin cum in eo non sit justitia commutativa proprie, si neque esset distributiva, nulla vere justitia species in Deo esset, quod falsum est, imo absurdum.

S. II.

Respondetur contrarium.

V. Primo arguitur, Justitia plures includit imperfectiones. Primo. Facit Deum debitorem, seu obligatum alteri extra se: ex quo sequitur subiectio in Deo. Arguit translationem domini in alterum: nam per distributionem res a dominio distribuentis transferuntur in dominium eorum, quibus distribuantur. — Tertio. Arguit obligationem distribuentis, ut proportionate ad dignitatem eorum; quibus sit distributio: distribuat bona: quod derogat supremo dominio Dei; qui de omni re potest disponere, prout vult, absque alterius injuria.

VI. Respondet, nihil ex alteris sequi. Non sequitur, Deum esse debitorem creaturae, sed sibi; nec ab alio extra se obligari, sed a sua summa rectitudine, & fidelitate: quae sub ipsa debitor est, ut implet, quod promissit; & ut in creaturis impletur id, quod sua bonitas, & sapientia eis conferre disposuit, ut dictum est supra.

Hinc nec sequitur, Deum subiecti alteri a se, sed potius alia Deo subiecti, ut in eis divina ordinatio impletur. Dum enim reddit creaturae, quod est ei debitum, ipse non ordinatur ad creaturam; sed potius creatura ordinatur ad ipsum, ut in ea faciat, quod promissit. Et sicut dum Deus obligatur ex promissione, non subditur alteri, quia obligatio non oritur ex altero, sed a se: ita nec alteri subditur, dum implet, quod promissit.

Neque dices, justitiam necessario esse ad alterum; & ideo Deum per justitiam debere ordinari ad alterum. — Nam dico, justitiam exigere quidem, quod sit ad alterum terminative, non vero, quod sit ad alterum casualiter, sive ab altero. Quod patet in exemplo Communitatis voluntarie assumptis aliquem in numerum Civium: quae eo ipso obligatur ei conferre bona Civium, etsi haec obligatio non oriatur ex actione Civis erga ipsam. Vide S. Thom. supra relatum 1. 2. q. 21. art. 1. ad 3.

VII. Neque sequitur translatio domini in alterum. Hoc enim primo non est de essentia justitiae distributivae: hinc enim sufficit, ut conferatur dominium secundum capacitatem ejus, cui conferetur: ut patet in Principe distributivae bona in feudum, vel emphyteusum, qui sibi dominium internum, vel saltem directum reservat. — Secundo. Dato, quod justitia

distributiva apud homines translationem domini requireret; quia dominia creata, utpote ejusdem ordinis, nequeunt per se duos possidere in solidum respectu ejusdem rei; sicut neque idem effectus potest a duplici causa totali ejusdem ordinis procedere: at tamen sicut idem effectus potest a duplici causa diversae ordinis, a Deo, & creatura procedere: ita eadem res potest esse sub dominio creaturae, quin desinat esse sub dominio Dei.

VIII. Neque sequitur, Deum distribuentem alligari ab aliquo extra se, sed alligari sibi, & suae rectitudini, quae potest, ut cuique secundum proportionem distribuat. Neque enim dominium supremum Dei petit amplitudinem oppositam suae rectitudini, seu quod disponere possit contra ordinem suae sapientiae. Sed sicut potentia peccandi non est potentia, sed defectus potentiae: ita potentia ad inordinate distribuendum, non est dominium, sed defectus domini.

IX. At dices. Si ita est: cum Deus non possit defectuose, aut inordinate res distribuire; neque de potentia sua absolute poterit creaturae denegare, quod ei convenit, ac debetur; & sic neque poterit Universo denegare partes debitas, homini suas proprietates, merentibus praemia: imo habenti solum dispositionem ad gratiam, utpote ad gratiam cooptato, daberetur gratia sanctificans ex justitia, quae omnia videntur falsa.

X. Respondet, Deum, sicut quemcumque alium distributorem, attendere non solum ad bonum, & ad debitum hominis, vel illius particularis; sed maxime ad bonum, & debitum commune: & ab isto ita obligari, ut propter illud procurandum, & implendum, bonum, & debitum particulare postponi debeat. Hoc supposito, dico. Quod si Deus velit attendere ad bonum, & debitum privatum creaturae, & ad condonandam suae bonitatis; debet illi distribuere, quae suae naturae conveniunt. At si attendat ad bonum divinum, & ad altiores suae sapientiae fines; ad eandem Dei justissimam dispositionem pertinet, naturae ordinem imitare, & creaturam bonis, ceterorumque ei debitis, absque illi injuria privare.

Ad id, quod additur de dispositione ad gratiam, dico hominem per suos actus disponi ad gratiam dispositione physica, non morali, & meritoria; ideoque gratiae infusionem ex vi illius non esse debitam, sed novum beneficium, ut in *Tract. de Gratia*.

XI. Secundo arguit: Falsum est, debitum justitiae commutativae semper oriri ex actione creditoris in debitorem, debitum autem justitiae distributivae non; ergo &c. Ant. pro prima parte probatur. Ex simplicis promissione acceptata oritur jus commutativum in promissario: & tamen nullam habet praeviam actionem in promittentem. — Pro secunda parte probatur. Etiam in justitia distributiva debitum oritur ex aliter, quae tenente ex parte creditoris; nempe, ex ejus dignitate, ob quam habet jus, ut proportionate ad illam sibi distribuatur bona.

XII. Respondet, neg. ant. Pro utraque parte. Ad probam partem dico, non esse certum, quod promittens teneatur ex justitia commutativa dare, quod promissit, & non potius ex fidelitate. Sed quidvis fit de hoc, idem, debitum illud justitiae oritur, quia ex promissione cessat in promittente jus in rem promissam, vel donatam: at ex promissione non cessat in Deo jus in rem promissam, imo dum donat, non transfert, sed retinet dominium, ut jam diximus.

Ad secundam partem dico, quod si sermo fit de creatura in ordine ad Deum, totus ejus dignitas habetur ex Irgitione divina. Unde D. August. *lib. 4. de Civitate Dei, cap. 6. inferat: Si ergo Dei dona sunt merita tua, non Deus coronat merita tua, tamquam merita tua, sed tamquam dona sua.* Si vero sermo fit de creatura in ordine ad distributorem creatum: adhuc dicimus, debitum oriri solum passive ex dignitate eorum, quibus sit distributio: active autem ex aequalitate ipsius distribuentis, nec non ex suppositione, quod aliquos acceptaverit in societatem suorum, ut diximus. Unde in his, quibus sit distributio, non datur actio ad bona distribuenda, nec sibi ea possunt per restitutionem, aut tacitam compensationem vindicare.

XIII. Tertio arguitur. In Deo non sunt aliae virtutes morales; ergo nec justitia. Respondet cum S. Thom. 1. 2. q. 21. art. 1. ad 1. aliquid esse virtutes morales, quae sunt circa passiones, sicut temperantia circa concupiscentias, fortitudo circa timores, & audacia, mansuetudo circa iram. Et hujusmodi virtutes Deo attribui non possunt, nisi secundum metaphoram. Quis in Deo neque passiones sunt... neque appetitus sensitivus, in quo sunt hujusmodi virtutes, sicut in subiecto, ut dicit Philosophus, in 3. Ethic. (cap. 10.) Quaedam vero virtutes morales sunt circa operationes rationis, ut patet circa rationes, & sumptus, ut justitia, & liberalitas, & magnificentia, quae etiam non sunt in parte sensitiva, sed in voluntate. Unde nil prohibet, hujusmodi virtutes in Deo ponere, non tamen circa actiones civiles, sed circa actiones Deo convenientes: ridiculum est enim secundum virtutes politicas Deum laudare, ut dicit Philosophus in 10. Ethic. (cap. 8.)

XIV. Quarto arguitur. Ille, qui facit omnia pro libito suae voluntatis, non operatur secundum justitiam: sed Deus, ut ait Apostolus, ad Ephes. 1. vers. 11. Operatur omnia secundum consilium voluntatis suae; ergo non operatur ex justitia. Respondet, dist. maj. Voluntatis iustae, & rectae, nego major, aliter, conc. maj. Ita D. Thom. citato loco ad 2. Ceterum enim voluntas Dei semper recta, & iusta sit, id, *Quod Deus voluntatem suam voluntatis facit, semper iuste facit. Sicut & nos, quod secundum legem facimus, iuste facimus: sed*

nos quidem secundum legem alicujus superioris. Deus autem sibi ipse est lex: nimirum, ratio suae sapientiae, quae ipsi est lex justitiae.

XV. Petes. Quam justitiam servet Deus in retributione suppliciorum? Respondet, Deum in retributione suppliciorum pro demeritis, sicut in retributione Gloriarum pro meritis, servare proprie justitiam distributivam; cui tamen aliqua species commutationis admiscetur. Prior pars probat. Quia Deus sicut in retributione praemii pro demeritis non attendit aequalitatem quantitativam, cum praemii ultra condignum, sed proportionem, ut qui plus meruit, plus praemietur: ita in retributione supplicii pro demeritis, cum semper puniat citra condignum, non servat aequalitatem quantitativam, sed proportionem, ut plus puniatur, qui gravius peccavit. Unde S. Thom. in 4. dist. 46. q. 2. art. 2. quest. 1. ad 1. ait: *Aequalitas ista proportionalitatis est, non aequalitatis; & attendenda est, non secundum comparationem parum ad culpam, sed secundum proportionem duorum peccantium ad duas penas: ut scilicet, qui plus peccavit, plus puniatur; & secundum quod excedit in peccato, sic excedatur in pena.* — Secunda etiam pars probatur. Quia justitia pure distributiva non attendit, quid aliter egerit, sed solum conditionem personae: Deus autem in retributione praemii, vel poenae attendit, quid homo bene, vel male egerit: ergo in retributione praemii, vel poenae quemdam modum justitiae commutativae servat. Sed de hoc egimus, *Tract. de Merito, Q. 1. Dub. 3.*

DUBIUM III.

An inter Patrem & Filium, Matrem & Uxorem, Dominum & Servum detur perfectio Justitiae?

S. I.

Resolvitur de Patre erga Filium invidem.

I. Noto primo: filium duplici jure dici posse esse subiectum patri, vel esse aliquid patris. Primo, jure naturae, & titulo generationis, qui perpetuo durat; & ex lege pietatis filium obligat ad debitam reverentiam, & obsequia patri praestanda. Secundo, jure Civili, quo filius ante emancipationem non permittitur esse sui juris, sed constituitur sub patria potestate: & hoc jus est temporaneum, quoque scilicet filius emancipetur, & sui juris efficiatur.

II. Noto secundo: quod pater, & filius (idemque de marito & uxore, domino & servo) spectari possunt, vel in ratione patris, & filii, vel in ratione hominis: in quo sensu distincte personae sunt, aliquam juri, & bonorum divestitatem habentes. Esto enim filius, quia filius, aliquid patris sit, & non sit proprie alter ab illo: at tamen, quia homo est, vere alius a patre est, habens proprium jus, tum suam propriam famam, tum ex dispositione juris super bona a patre, vel quasi callestina.

His prenotatis quaestio procedit: an inter patrem & filium, quae talem, datur vera justitia, seu, an jus paternum sit verum & proprium jus: & an haec datur inter patrem & filium, quae homo est. Et quidem in prima quaestione resolutione omnes arbitror convenire. In secunda vero dissident etiam Nobis.

III. Dico primo. Quantum ad naturalia jura, & (secundo filio, ut filius est, non potest inter ipsum, etsi emancipatum, & patrem dari vera & stricta justitia. Est D. Thom. 2. 2. q. 57. a. 4. his verbis: *Patris ad filium non est comparatio, sicut ad simpliciter alterum. Et propter hoc non est simpliciter justum, sed quoddam justum, scilicet paternum.* Cuius rationem dat ibi, dicens: *In rebus humanis filius est aliquid patris, quia quodammodo est pars ejus.* Hinc probo sic. Inter patrem & filium, ut filius est, & jure naturae spectato, non adest alteritas, & aequalitas ad strictum rationem justitiae requisita; ergo &c. Ant. pro prima parte probat. Quia filius, ut filius, & jure naturalis generationis spectatus, consideratur, ut pars patris ab illo decisa, & ut effectus ipsi naturali jure subiectus, & quidvis est filii, patris est; ergo deest alteritas ad veram & strictam justitiam requisita. Secunda etiam pars probatur. Nam esse, quod filius accipit a patre, praestantius est obsequio, quod illi possit exhiberi a filio; ergo inter patrem & filium non potest dari aequalitas justitiae: sed filius obligatur ad obsequia Patri praestanda strictiori jure, nempe, pietatis.

IV. Confirmatur primo. Jus naturale, quod habet pater erga filium, non est adaequabile, quod quidem, quod ei possit exhiberi a filio; nam jus patris fundatur in communicatione esse, & vite naturalis: sed nil potest a filio patri exhiberi, quod aequivaleret esse, & vite naturalis; ergo &c. — Confirmatur secundo. Obsequia, quae a filio redduntur parentibus, pertinent ad virtutem pietatis: sed pietas non est justitia proprie, & simpliciter talis; sicut nec religio, gratitudo &c. quavis sint virtutes justitiae annexae, ut docet S. Thom. 2. 2. q. 80. art. 1. *Quia parentibus non potest secundum aequalitatem recomperari, quod eis debetur; ergo &c.*

V. Sed dices primo. Non minus requiritur alteritas ad amicitiam, quam ad justitiam: sed inter patrem & filium datur amicitia, ut ex D. Thom. 2. 2. q. 6. art. 8. & 9. ergo &c. Secundo. Inter patrem & filium perfecta est injuria, & iniustitia: nam gravissime peccaret filius contra justitiam, si patrem occideret; ergo etiam inter illos est perfecta justitia: iniustitia enim dicit violationem justitiae vere talis.

Tertio. Inter Patrem & Filium divinum est major unitas, quam inter patrem & filium in humanis: sed inter Patrem, & Filium



